

FISKEREGLAR VÅGÅ FJELLSTYRE (Revidert 2018)

Vågå fjellstyre og Vågå kommune har fastsett følgjande fiskereglar for Langmorkkje statsallmenning og for Vågå kommune sine eigedomsvatn og elv.

1. Fiskekort må løysast før fiske tek til. Dei under 16 år treng ikkje løyse fiskekort for fiske med stong og isonglar. Dei under 16 år som fiskar med annan reiskap enn stong, eller isonglar, må løyse fiskekort.

Ved fiske frå båt, kan fiskaren, dvs. den som handterer reiskapen, ha med seg ein hjelpar til å ro eller styre båten utan at denne treng å løyse kort.

2. Dei som er busette i Norge har høve til å fiske med stong, oter (sjå pkt. 7), garn (sjå pkt. 8) og isonglar (sjå pkt. 5).

Utlendingar (som ikkje bur i Norge) har høve til å fiske med ei stong. Dette omfattar også isfiske, men ikkje bruk av isonglar.

Innanbygdsbuande, dvs. dei som siste året har vore og framleis er fast busette i Vågå kommune, kan fiske med stong, oter, isonglar, reiv og garn.

3. Det er til kvar tid forbode å nytte annan reiskap enn stong, oter, isonglar, reiv og stågarn (botngarn). I elv og bekk er fiske frå båt og alt anna enn stongfiske forbode. Hov kan nyttast som hjelpereiskap.

4. Fiske med *stong* er lov frå og med 15. mai t.o.m. 10. oktober.

Stong som er utsett frå land og ikkje vert passa på blir å rekne som fastståande reiskap (reiv).

5. *Isfiske* er lov på alle vatn. Dette inkluderer bruk av isonglar, dvs. pilkestikkar som er utsett. På Flatningen er det ikkje lov å nytte isonglar. Det er lov å nytte inntil 5 isonglar pr. fiskar pr. vatn. Isonglane skal vera merka med fiskaren sitt namn. Ved bruk av isonglar over to eller fleire dagar skal fiskaren sjå etter dei minst to gongar kvar dag. Bruk av rykkpilk er ikkje lov.

6. Dorging er lov f.o.m. 1. juni t.o.m. 15. sept. Dorg er ei stong med eitt kroksett (dvs. ein sluk, ein spinnar e.l.), og dorging er bruk av dorg frå båt i rørsle. Det er lov å nytte to stenger pr. fiskar.

På vatn der det er opna for garnfiske (dvs. Veslvatnet, Kvitingen, Surtningen, Flatningen, Melingen, Slomtjønn, Lemonsjøen, Nedre Birisjøtjønn, Birisjøen, Griningsdalsvatnet, Nedre Sjudalsvatnet, Øvre Sjudalsvatnet, Bessvatnet, Gjende, Øvre og Nedre Leirungen og Brurskarstjønn) er det lov å dorge berre mellom kl. 10 og kl. 17 i garnfiskeperioden, dvs. i tida 15. juni til 30. juni og 1. august til 15. sept. (i heile juni for Melingen, Surtningen, Veslvatnet og Slomtjønn). Det same gjeld all fiske med stong frå båt, med unntak av fiske med flugestong, som er lov frå båt til kvar tid i heile stongfiskeperioden. For å unngå konflikter med anna fiske, spesielt oterfiske er det viktig å ta hensyn til andre når du dorgar. Bruk "høgrereglen", dvs. ta til høgre når du set uti båten (mot sola).

7. Oterfiske er lov f.o.m. 1. juni t.o.m. 15. sept. I garnfiskeperioden, på vatn der det er opna for garnfiske (sjå pkt. 6) er oterfiske lov berre mellom kl. 10 og kl. 17. På Gjende og Bessvatnet kan oterfiske skje mellom kl. 17 og kl. 10 også i heile garnfiskeperioden.

Innanbygds kan fiske med oter og med bruk av båt på alle vatn.

Utanbygds kan fiske med oter på Veslvatnet, Kvitingen, Surtningen, Melingen, Slømtjønn, Nedre Birisjøtjønn, Birisjøen, Griningsdalsvatnet, Nedre Sjudalsvatnet, Øvre Sjudalsvatnet, Bessvatnet, Brurskarstjønn, Nedre Leirungen, Øvre Leirungen, Leirungstjønnen og Svartdalstjønnen. Oterfiske frå båt kan skje på dei nemnde vatna med unntak av Bessvatnet, Leirungstjønnen og Svartdalstjønnen.

Det kan nyttast ein oter pr. båt og maks. 30 kroksett (spinnarar, fluger e.l.) pr. oter. Ved inntak av oter kan det nyttast ei ekstra oterfjøl. For å minske farane for konflikter, skal det ved oterfiske frå båt, nyttast "høgreregelen", dvs. ta til høgre når du set uti båten (mot sola).

8. Garnfiske for utanbygds kan skje på Veslvatnet, Melingen, Slømtjønn, Nedre Birisjøtjønn,

Birisjøen, Griningsdalsvatnet, Brurskarstjønn og Øvre Leirungen i tida

15. juni kl. 17 til 30. juni kl. 10 (på Veslvatnet, Melingen og Slømtjønn frå 1. juni kl. 17), og i tida 1. august kl. 17 til 15. sept. kl. 10, med inntil 4 garn pr. fiskar og med 29 mm som største maskevidde. På alle dei 8 vatna kan det i tillegg til dei 4 garna nyttast 1 garn på 35 mm. På Veslvatnet, Slømtjønn, Nedre Birisjøtjønn og Brurskardstjønn må det for kvart garnsett (person) vera minst eitt garn på 24 mm eller mindre. Kvart garn skal ikkje vera lenger enn 25 m, og kan ha ei høgde på inntil 2 m. Ein person kan fiske med garn på to vatn pr. natt, men da må eitt av dei to vatna anten vere Melingen, Veslvatnet, Slømtjønn, Nedre Birisjøtjønn, Birisjøen eller Griningsdalsvatnet. Mellom kl. 10 og kl. 17 er det ikkje lov å ha garn ståande i vatna. Alle garn/garnrekkjer skal markerast med ein lett synleg gjenstand, merka med fiskaren sitt namn. Ved garnrekkjer på 3 eller fleire garn skal det nyttast merke for kvart 3. garn. Alle som er med i garnfiske må delta aktivt under fisket, dvs. både ved utsetting og inntaking.

Reglar for bruk av fastståande reiskap for innanbygds er opplista i eit eige vedlegg.

9. Ved ulovleg fiske frå båt, når to eller fleire driv saman, kan roaren eller den som styrer båten bli stilt likt med den som handterer reiskapen. Brot mot reglane er straffbart. Reglane vart sist revidert i 2018.

10. Bruk av båtmotor er lov på Flatningen, Lemonsjøen, Nedre Sjudalsvatnet, Øvre Sjudalsvatnet, Bessvatnet og Gjende, og med maks. 10 hk (på Bessvatnet 6 hk.). På Bessvatnet og Gjende, som ligg i Jotunheimen nasjonalpark, kan motorbåt berre nyttast av innanbygds i samband med utøving av bruksrett (m.a. fiske).

Fiskereglane og fiskekortsalet gjeld ikkje for følgjande private vatn, vatn eller elvestrekning med privat fiskerett: Russvatnet, Ingulsjøen, Tjønnesen, Sjugurdsjøen, Grjothovdtjønn, Dravtjønn og Eldbuhølane.